

瘧病

論

內經曰諸瘧

滑氏曰瘧當作瘧

項強皆屬于濕

王註云陽濕也

又

曰諸暴強直皆屬于風

王註云陽明鬱而陰行于外也

原病式曰筋

勁強直而不柔和也夫肝木屬風而主筋經曰諸暴

強直屬風理宜然也其所謂諸瘧項強而屬于濕者

何與蓋大陽經濕甚則兼風化亢則害承廼制也是

故知瘧之為病濕為本風為標耳故仲景有剛柔二

瘧之分不可不辨蓋剛為陽瘧而柔為陰瘧也若夫

大陽發熱無汗惡寒脉弦長脛急胸滿口噤手足攣  
急咬牙甚則搐搦角弓反張此爲剛瘧大陽微熱多  
汗不惡寒脉遲濇弦細四體不收時時搐搦開目合  
口此爲柔瘧大抵因風濕二氣襲于大陽之經亦有  
輕重之分其風氣勝者爲剛瘧風性剛急故也濕氣  
勝者爲柔瘧濕性柔和故也外有諸虛之候表虛不  
任風寒亦能成瘧是以或產後或金瘡或跌仆撲傷  
癰疽潰膿之後一切去血過多之瘧皆能成此疾也  
是乃虛爲本而風爲標耳亦有絕無風邪而亦能使

### 脉法

人筋脉攣急而爲角弓反張之候者血脫無以養筋  
故也丹溪甚言不可作風治而用風藥恐反燥其陰  
血而致不救也可不慎與

脉經曰大陽病發熱其脉沉而細者爲瘧  
瘧脉來按之築築然而弦直上下行  
瘧家其脉伏堅直上下

瘧病發其汗已其脉澹澹然如蛇暴腹脹大爲欲

解脉如故反伏弦者必瘧

此瘧字恐當作成字

大陽病其証備身體強兀兀然脉沉遲此為瘧括  
萎桂枝湯主之

方法

丹溪曰大率與痼相似比痼為虛切不可作風治而  
純用風藥多屬氣血虛有火有痰宜補兼降痰火  
參芪芎歸竹瀝之類

一方治少年痘瘡靨後成瘡口噤不開四肢強直  
時或遶臍腹痛一陣則冷汗如雨痛定汗止脉  
極強緊如真弦先因勞倦傷血瘡後血愈虛而

又感風寒當用溫藥養血辛涼散風芍藥當歸  
為君川芎青皮鈞鈞藤為臣白术甘草為佐桂  
枝木香黃連為使更加紅花少許水煎服愈

括萎桂枝湯 治大陽傷寒成瘡

括萎根

炙甘草 各三兩

桂枝

芍藥

生姜 各三兩

大棗 十二枚

右六味作一服以水九升煮取三升作三服連  
飲取微汗如汗不出少頃以熱粥湯發之

葛根湯 治大陽病無汗而小便反少氣上衝胸口

噤不得語欲作剛瘧 方見傷寒門

麻黃葛根湯 治剛瘧無汗惡寒

麻黃

赤芍藥 各三錢

乾葛 四錢半

豆豉 半合

每服水二大盞芩白三莖煎稍熱服

大承氣湯 治剛瘧大便實熱

方見傷寒門

桂枝葛根湯 治柔瘧有汗不惡寒

方見傷寒門

桂枝栝萎根湯 治柔瘧通用 方見中風門

小續命湯 治剛柔二瘧通用 方見中風門

防風當歸散 治發汗過多發熱頭搖口噤背反張

者宜去風養血

防風

當歸

川芎

生地黄 各二錢半

每服水煎

當歸補血湯 治一切去血過多因無血養筋令人

四肢攣急口噤如瘧

黃芪 一兩

當歸 五錢酒洗淨

每服水二盞煎溫服 如挾風或蕪破傷風者

加防風羌活各一錢荆芥穗一錢半甘草五分

減去黃芪一半煎服

活人舉卿舉敗散 治產血虛發瘧者汗後中風

發熱亦然

荆芥穗 不拘多  
少微炒

右為末每服三五錢外以大豆黃卷以熱酒沃

之去黃卷用汁調下其効如神

丹溪活套云昔之所謂劉柔二症者當以虛實論之

是也一屬外感一屬內傷屬外感者為劉瘧宜用

麻黃葛根湯括葉桂枝湯小續命湯在裏者大承

氣湯之類 屬內傷者為柔瘧宜用補中益氣湯

八物湯四物湯之類如以風濕二事分劉柔而治

恐誤醫者不勝其多今以虛實分治其理昭然無

疑矣

厥證

論

內經曰陽氣衰于下則為寒厥陰氣衰于下則為熱厥又曰寒厥者此人質壯以秋冬奪于所用下氣上不能復精氣溢下邪氣因從之而上也氣困于中由陽衰不能滲營其經絡陽氣日損陰氣獨在故手足為之寒也熱厥者此人必醉飽入房精氣中虛酒入于胃則絡脉滿而經脉虛脾主為胃行其津液者也陰氣虛則陽氣入陽氣入則胃不和胃不和則精氣竭精氣竭則不能滲營其四肢也氣聚于脾中不得散酒氣與穀氣相薄熱盛于中故熱遍于身內熱

而渴赤也腎氣日衰陽氣獨盛故手足為之熱也又陰氣盛于上則下虛下虛則腹脹滿腹滿則下氣重上而邪氣厥厥則陽氣亂陽氣亂則令人暴仆不知人或至半日遠至一日乃知人也名曰尸厥考之張仲景傷寒論陰陽二厥之証皆指手足逆冷而言也河間原病式曰陰厥者原病脉候皆為陰証身涼不渴脉遲而微陽厥者原病脉候皆為陽証煩渴譫妄身熱而脉數若陽厥極深或失下而至于身冷反見陰証脉微欲絕而死者止為極熱而然俗醫妄謂變

成陰證急用熱藥助其陽氣以致十無一生也愚按  
內經曰寒熱二厥者皆常病虛損証也並宜補益之  
法但熱厥補陰寒厥當補陽耳正經所謂壯水之主  
以鎮陽光益火之原以消陰翳也若夫傷寒論所謂  
陰陽二厥者米炭殊途治法亦異診察之間死生反  
掌學者其可不盡心乎

### 脉法

脉經曰寸口沉大而滑沉則爲實滑則爲氣實氣相  
搏血氣入于臟則死入于腑則愈此爲卒厥不知  
人唇青身冷爲入臟卽死如身溫和汗自出爲人  
腑而後自愈

活人書云陽厥脉滑而沉實陰厥脉細而沉伏

### 方法

丹溪曰厥因氣虛血虛者多氣虛脉細血虛脉大如  
葱管熱厥脉數外感脉浮而實有痰者脉弦熱用  
承氣湯痰用白朮竹瀝外感宜解散藥中加姜汁  
服

活人書曰初得病身熱頭痛大便秘小便赤或畏熱

或飲水或揚手擲足煩燥不得安臥譫語昏憤而厥此陽厥也大柴胡湯大小承氣湯治之渴者白虎湯妙手足厥冷脉乍結此邪氣結在胸心下煩滿饑不能食爪蒂散吐之寒熱而厥面色不澤冒昧兩手忽無脉或一手無脉必是有正汗也多用錦衣包手足急服五味湯或蕪與桂枝麻黃各半湯須臾大汗而解傷寒厥逆心下怔忡者宜先治水茯苓甘草湯主之如得病後四肢逆冷脉沉而細足攣臥而惡寒引衣蓋覆不欲水或

下利清穀而厥逆者陰厥也四逆湯白通湯厥逆脉不至者通脉四逆湯手足指頭微寒者謂之清理中湯無熱証而厥當歸四逆加茱萸生薑湯喘促脉伏而厥五味子湯吐利手足厥冷煩燥欲死吳茱萸湯

五味子湯 治陽厥脉伏手足逆冷

五味子 一兩

人參

麥門冬

杏仁

陳皮 已上各五錢

每服水三盞姜十片棗二枚煎至一盞半去粗



分作二服

桂枝麻黃各半湯

方見傷寒門

茯苓甘草湯

治陽厥怔忡手足厥逆心下有木氣

之証

茯苓

桂枝

各二錢

甘草

一錢

生姜

二兩

每服水一盞半煎去粗溫服

通脈四逆湯

治陰厥下利清穀四肢逆冷脈微者

神効

甘草

六錢半

附子

一枚生用

乾姜

一兩炮

如面赤者加葱九莖

嘔逆者加生姜

咽痛

加桔梗利止 脈不出加人參

右用水三大盞煎至一盞半去粗分作二服不

拘時

當歸四逆加茱萸生姜湯

治無熱証而厥

當歸

芍藥

桂枝

細辛

各一兩

甘草

通草

各六錢半

吳茱萸 三錢

生姜 六錢

每服水三升煮至一升半分三服

吳茱萸湯 治陰厥吐利手足逆冷煩燥欲死

吳茱萸

生姜

各五錢

人參

三錢半

每服水二盞煎半溫服忌生冷物不可食否則

藥不取効

蘇合香丸

治卒厥不知人未詳風痰氣厥先與此

藥極妙每用一丸以湯調化灌之卽醒醒後察脉

後用他藥

丹溪活套云熱厥四肢煩熱蓋濕熱鬱于脾土之中

治用東垣升陽散火湯火鬱湯之類寒厥手足逆

冷者多是氣血不足補氣血藥加附子飲酒人或

體肥盛人手足熱者濕痰鬱火盛也二陳湯加荅

連梔子之類若忽然手足逆冷卒厥不知人者多

屬痰火亦有陰先虧而陽暴熱者宜多用參膏兼

竹瀝姜汁與之人瘦弱者雖無痰而火亦盛也服

竹瀝亦能養血而降火

癩狂癩証

論

內經曰巨陽之厥則腫首頭重足不能行發爲胸仆  
胸搖其目而暴仆也是蓋陽氣逆亂故令人卒然暴仆而不知  
人氣復則甦此則癇之類也又曰陽明之厥則癲疾  
欲走呼腹滿不得臥面赤而熱妄見妄言又曰甚則  
棄衣而走登高而歌踰垣上屋罵詈不避親疎是蓋  
得之于陽氣大盛胃與大腸實熱燥火鬱結于中而  
爲之耳此則顛狂之候也曰顛曰狂分而言之亦有  
異乎經謂重陰者癲重陽者狂素問註云多喜爲  
多怒爲狂然則喜屬于心而怒屬于肝乃二臟相  
火有餘之証難經陰陽之說恐非理也大抵狂爲痰  
火實盛顛爲心血不足多爲求望高遠不得志者有  
之癇病獨主乎痰因火動之所作也治法癇宜乎吐  
狂宜乎下顛則宜乎安神養血兼降痰火雖然此三  
証者若神脫而目瞪如愚痴者縱有千金我耐吾未  
如之何也已矣

脉法

脉大堅疾者癲狂

脉虛弦爲驚爲風癇

脉沉數爲痰熱

脉大滑者自己

沉小急疾者死

虛而弦急者死

寸口沉大而滑沉則爲實滑則爲氣實氣相搏入  
臟則死入腑則愈 丹溪曰癲狂脉虛易治實者

難治

方法

丹溪曰癲症大率屬痰與火不必分五等大法行痰  
爲主藥用黃連南星括蕁半夏尋火尋痰分多少  
治無不愈者有熱者用涼藥以清心有痰者必用

吐吐後用東垣安神丸及平肝之藥青黛柴胡川  
芎之類

癲狂原病式所論甚精蓋以世以重陰爲癲重陽  
爲狂誤也大槩皆是熱耳

盧氏曰重陰重陽之分難經之言也河間謂素問註  
云多喜爲顛多怒爲狂五志所發皆爲熱也心熱  
甚則多喜火旺制金不得平木則肝實而多怒也  
又發熱于中則多于陽明經謂陽明之厥則癲疾  
又謂服膏梁芳草石藥則熱氣慄悍發爲癲狂此

王氏增補醫學正傳 卷之五  
原病式本素問之論以明癩狂俱是熱病而重  
陰之設非也

大率多因痰結于心胸間宜開痰鎮心神亦有中  
和者以治邪法治之

神不守舍狂言妄作經年不愈

如心經蓄熱當清心除熱

如痰迷心竅當去痰寧心宜大吐大下而愈

一方治癩証用大蝙蝠一個以硃砂三錢填入腹  
內用新瓦盛火炙令熱酥爲度候冷爲細末每

一箇分作四服氣弱及年幼者作五服空心白  
湯調下

龍腦安神丸 治男女五般癩癩無問遠近發作無

時

茯神 二兩

人參

地骨皮

甘草

麥門冬

桑白皮 各二兩

馬牙硝 二錢

龍腦

麝香 各三分

牛黃 五錢

硃砂 二錢

烏犀角 一兩

金箔 三十片

右為細末蜜煉為丸如彈子大金箔為衣如風  
癩病冬月溫水化下夏月涼水化下不拘時二  
三歲者日進一服大人每服一丸小兒一丸分  
作二丸服虛勞發熱咳嗽新汲水化下

神應丹 治諸癩

辰砂 不拘多  
少研細

右以猪心血和得所以蒸餅裹劑蒸熟取出就  
丸如梧桐子大每服一丸食後臨臥時煎人參  
湯下

錢氏五色丸 治諸癩

硃砂 五錢  
另研

水銀 二錢  
半

雄黃 一兩  
研

珍珠 一兩  
另研末

鉛 三兩用  
水同熬

右和勻再研極細麩糊為丸如麻子大每服三  
四丸另煎金銀薄荷湯送下

元戎二白丸 治痰涎為病患以致癩癩在妄驚悸

等証

白礬 一兩

輕粉 一字或五分  
四虛實加減

右用生蒸餅劑裹蒸熟去皮可丸入輕粉丸如

梧桐子大每服二三十丸生姜湯下小兒如黍米大

拔萃妙香丸

治時毒傷寒解五毒潮熱積熱及小兒驚癩等証

辰砂 九兩

麝香 研各五錢

巴豆 二百二十五粒

去皮心及油

右合研勻煉蜜為丸每兩分作三十九丸用米飲送下

龍腦

牛黃 五錢

金箔 九十片

膩粉

赤石脂

子和硃砂滾涎丸

治五癩等証

硃砂

硝石

右為細末研蒜泥為丸如菉豆大每服三十九丸

食後荆芥湯下

句方碧霞丹

治痰涎壅塞牙關緊急目睛上視癩

癩狂妄等証

石綠 五錢

蝎稍 各二

附子尖

烏頭尖

右為末入石綠令勻麩糊為丸如鷄頭實大每服一丸薄荷湯化下更以溫酒半合飲之須臾吐出痰涎然後隨証以他藥治之如口噤者擗開灌之

控涎丹 治痰迷心竅狂言謔語如有所見 方見

痰飲門

牛黃瀉心湯 治心經邪熱狂言妄語心神不安

腦子 另研

牛黃 另研

硃砂 另研各一錢半

大黃 生一兩

右各研為細末和勻再研每服三錢煎生姜蜜水調下

牛黃清心丸 治心氣不足神志不定驚恐癩狂語

言謔妄虛煩少睡甚至棄衣而走登高而歌踰垣

上屋等証

羚羊角末 一兩 去蘆二兩五錢

白茯苓 一兩 二錢

川芎 一兩 二錢 去蘆一兩半

阿膠 炒七錢五分

乾姜 炒七錢半 白木 一兩 半

牛黃 研一兩二錢

麝香 一兩 犀角末 二兩

雄黃 研飛八錢



龍腦 研一兩

金箔 一千四百片內除四百片為衣 甘草 剉炒五兩

白芍藥 一兩半

柴胡 去蘆一兩二錢 乾山藥 七兩 白欵 七錢半

麥門冬 去心一兩半

桔梗 去蘆一兩二錢 黃芩 去朽一兩半

杏仁 去皮尖及雙仁者麩炒

大棗 一百蒸熟去皮核研成膏

神麴 炒二兩五錢

蒲黃 炒二兩半 當歸 去頭一兩半

大荳黃卷 一兩七錢半炒

肉桂 去皮一兩七錢半

右除棗杏仁金箔外牛黃龍腦麝香雄黃四味研為細末入餘藥和勻煉蜜入棗膏為丸每兩作十丸金箔為衣每服一丸食後溫水化下

丹溪活套云五志之火因七情而起鬱而成痰故為

癩癩在妄之証宜以人事制之非藥石所能療也

須診察其由以平之怒傷于肝者為狂為癩以憂

勝之以恐解之喜傷于心者為癩為癩以恐勝之

以怒解之憂傷于肺者為癩為癩以喜勝之以怒

解之思傷于脾者為癩為癩為狂以怒勝之以喜

解之恐傷于腎者為癩為癩為癩以思勝之以憂解之

驚傷于膽者為癩以憂勝之以恐解之悲傷于心

胞者為癩以恐勝之以怒解之此法惟賢者能之

耳

祖傳經驗秘方 治癩癩神効

九節菖蒲一味 不拘多少不聞鷄犬聲者去毛焙乾

右以木臼杵為細末不可犯鐵器用黑豬心以竹刀批開摻末煮湯送下每日空心肯服二

三錢

邪祟

論

內經曰邪氣盛則實正氣奪則虛未經之所謂邪者

風寒暑濕燥火有餘之淫邪耳非若世俗所謂鬼神  
之妖怪也病有心虛驚惕如醉如痴如為邪鬼所附  
或陽明內實以致登高而歌棄衣而走非妖邪祟之  
所迷皆痰火之所為實也古雖有禁呪一科及龍樹  
呪法之治皆移精變氣之術但可解疑釋惑以使心  
神之歸正耳何邪祟之可祛哉丹溪曰血氣者心之  
神也神既衰之邪因而入理或有之 按此恐指山谷間  
狐魅而言  
若夫氣血兩虛痰客心胸妨礙升降不得運行以致  
十二官各失其職視聽言動皆為虛妄以邪治之其

王氏增補醫學正傳 卷之三  
人必死可不審乎

### 脉法

脉乍踈乍數乍大乍小或促或結皆邪脉也  
脉緊而急者遺屍

### 方法

丹溪曰俗云衝惡者謂衝斥邪惡鬼祟而病也如病  
此者未有不因氣血先虧而致者焉

素問遺篇曰人憂愁思慮則傷心又驚而奪精汗出  
于心或遇少陰司天火所不及因而三虛神明失

守蓋心為君主之官神明出焉神既失守神光不  
聚却遇火不及歲有黑屍鬼見之令人暴亡治可  
刺手少陽之所過陽池穴也復刺心膻卽生人  
飲食勞倦則傷脾又飲食飽甚汗出于胃醉飽入  
房汗出于脾或遇大陰司天天數不及因而三虛  
脾神不守蓋脾者為諫議之官志意出焉神既失  
守神光不聚却遇土不及歲有青尸鬼見之令人  
暴亡可刺足陽明之所過衝陽穴也復刺脾膻卽  
生人久坐濕地強力入水則傷腎又遇持重遠

行汗出于腎或遇大陽司天天數不及因而三虛  
腎神不守蓋腎爲作強之官伎巧出焉神旣失守  
神光不聚却遇水不及歲有黃屍鬼見之令人暴  
亡可刺足大陽之所過京骨穴也復刺腎膈卽生  
人暴怒氣逆則傷肝又遇疾走恐懼汗出于肝或  
遇厥陰司天天數不及因而三虛肝神不守蓋肝  
爲將軍之官謀慮出焉神旣失守神光不聚却遇  
木及歲有白屍鬼見之令人暴亡可刺足少陽之  
所過丘墟穴也復刺肝膈卽生 人形寒飲冷則

傷肺復登高疾走喘出於肺或遇陽明司天天數  
不及因而三虛肺神不守蓋肺爲相傳之官治節  
出焉神旣失守神光不聚却遇金不及歲有赤屍  
鬼見之令人暴亡可刺手陽明之所過合谷穴也  
復刺肺膈卽生

愚按人見五色非常之鬼皆自以精神不守神  
光不完故耳實非外邪所侮乃元氣極虛之候  
也因患者眼目所視故實信真爲邪鬼所迷但  
當推其同行同坐者不見有物足可以決此疑

耳

### 五邪刺法

肝虛見白屍鬼而後暴厥不知人名曰卒屍五邪病名  
並目中神彩不變四肢雖冷心腹尚溫口中無涎  
古不捲卵不縮者可刺之復甦

丘墟二穴在足外踝下下如前陷中去臨泣穴五寸足少陽之原也以毫鍼刺入三分得氣則補  
留三呼徐徐出針按口中閉氣腹中鳴者可治  
更刺肝膈

肝膈二穴在背第九椎下兩傍各一寸半以毫鍼刺二分得氣則補留三呼次進二分留三呼復取計至三分留一呼徐徐出鍼氣即甦

心虛見黑屍鬼而後暴厥不知人四肢雖冷目中精彩不變氣雖閉絕舌不卷卵不縮未出一時可治刺之復甦

陽池二穴在手表腕陷中手少陽之原也用毫鍼刺入二分得氣則補留七呼次進一分留三呼復退留一呼徐徐出鍼手捫其穴更刺心膈

五邪刺法 卷之五 五邪刺法 三

心膪二穴在背第五椎下兩傍各一寸半用毫鍼  
刺入七分得氣則補留一呼次進一分留一呼  
退至二分留三呼徐徐出鍼以手捫其穴卽甦  
脾虛見青屍鬼而後暴厥不知人四肢冷而身溫  
唇溫不出一時可治

衝陽二穴在足趺上骨間動脈去陷谷三寸足陽  
明之原以毫鍼刺入三分得氣則補留三呼次  
進二分留一呼徐徐退鍼以手捫之復刺脾膪  
脾膪二穴在背第一椎下兩傍各一寸半以毫針  
刺入三分得氣則補留二呼進一分動氣至徐  
徐出針卽甦

肺虛見赤屍鬼而後暴厥不知人雖無氣手足冷  
心腹溫鼻微溫目中神彩不變口中無涎舌不  
卷卵不縮者未出一時可治

合骨二穴在手大指次指兩岐骨間手陽明之原  
也也用毫針刺入三分得氣則補留三呼復退一  
分留一呼徐徐出針以手捫其穴復刺肺膪  
肺膪二穴在背第三椎下各一寸半用毫針刺入

一寸半得氣則補留三呼次進二分留一呼徐  
徐出針以手捫穴卽甦

腎虛見黃屍鬼而後暴厥不知人氣絕四肢厥冷  
心腹微溫目中精彩不變唇舌不黑口中無涎  
可救

京骨二穴在足外側大骨下赤白肉除陷中足大  
陽之原用毫針刺入一分半得氣則補留三呼  
進至三分留一呼徐徐出針以手捫穴復刺足  
少陽之膈

足少陽之膈在背第十二椎下兩傍各一寸半用  
毫針刺入三分得氣則補留三呼次又進五分  
留三呼徐徐出針以手捫其穴卽甦 凡以上  
刺法必先以口含針暖而刺之則經脈之氣無  
拒逆也

丹溪治一婦人如癰或作或輟恍惚不省人事一日  
畧蘇醒診視間或聞床上有香氣繼又無所知識  
丹溪曰氣因血虛亦從而虛邪因虛入理或有之  
遂以秦承祖灸鬼法灸治病者哀告曰我自去我

自去即愈

秦承祖灸鬼法 治一切驚癇狂譫妄踰垣上屋罵  
詈不避親疎等証

以病者兩手大拇指用細麻繩扎縛定以大艾  
炷置于其中兩介甲及兩指角肉四處着火一  
處不着即無効灸七壯神驗

還魂丹 治中惡已死

麻黃 三兩 桂枝 二錢 杏仁 十二粒

右作一服水煎灌下即醒

菝奴丸 治心氣虛怯有驚屍注魘夢驚癇等症

菝奴 卽菝樹上不落干菝 辰砂 五錢 另研

菝仁 十四個 玳瑁 一錢 另研 琥珀 三錢 另研

烏犀角 五錢 石 牛黃 一錢 另研 龍膽 二錢 另研

麝香 一錢 雄黃 各三錢 菝葉水煮

安息香 一兩 以無 灰酒研飛

右以安息香同菝仁琥珀共搗成膏和諸藥末  
為丸如鷄頭實大陰乾每服一丸人參湯化下

蘇合香丸 治諸般怪疾 方見氣門



一方治魘死不還用半夏末不拘多少吹入鼻中

即醒

祖傳經驗辟邪丹 治衝惡怪疾及山谷間九尾狐

精為患

人參

茯神

遠志

鬼羽箭

九節菖蒲

白朮

蒼朮 米泔浸

當歸 各一兩

菝葜 焙乾 五錢

雄黃 另研

辰砂 各三錢 另研

牛黃 一錢 另研

金箔 二十葉

或加麝香 一錢

右件以堯仁奴已上諸藥為細末入雄黃辰砂

牛黃三味末子和勻以酒調末粉打糊為丸如

龍眼大金箔為衣臥時以木香湯化下一丸諸

邪不敢近體更以絳紗囊盛五七丸懸床帳中

尤妙

怔忡驚悸健忘証

論

內經曰心者君主之官神明出焉夫怔忡驚悸之候或因怒氣傷肝或因驚氣入膽母能令子虛因而心

血爲之不足又或遇事煩冗思想無窮則心君亦爲之不寧故神明不安而怔忡驚悸之証作矣夫所謂怔忡者心中惕惕然動搖而不得安靜無時而作者是也驚悸者騫然而跳躍驚動有欲厥之狀有時而作者是也若夫二証之因亦有清痰積飲留結于心胞胃口而爲之者又不可固執以爲心虛而治鑿者自宜以脉証參究其的而藥之母認非以爲是也慎之慎之

### 脉法

寸口脉動而弱動爲驚弱爲悸

跌陽脉微而浮 浮爲胃氣虛微則不能食此恐

懼之脉憂迫所致也

寸口脉緊跌陽脉浮胃氣則虛是以悸

肝脉動暴有所驚駭

### 方法

丹溪曰屬血虛有慮便動屬虛時作時止者痰因火動瘦人多是血少肥人只是痰多時覺心跳者亦是血虛怔忡無時驚悸有時而作

大法四物湯安神丸之類有痰者用痰藥

驚悸者屬血虛用硃砂安神丸最好或有痰迷心

竅者宜用治痰藥

一方治勞役大虛心跳

硃砂 另研水飛

白芍藥

當歸身 酒浸

側柏葉 各三錢

川芎

甘草

陳皮 各一錢

炒黃連 一錢半

右為細末猪心血為丸如黍米大每服五六十

丸津唾咽下或少用白湯一口送下食後臨臥

時服

驚悸養心湯

治肥人因痰火而心騫然跳動驚起

黃芪

茯神

半夏麩

川芎 各五分

遠志 去心甘草水浸

桂心

栢子仁

酸棗仁

五味子

人參 各二分半

甘草 四分

每服水二盞煎去粗食後溫服

定志丸 治心氣不足恍惚多忘及怔忡驚悸等症

人參

白茯苓 各三兩

遠志 去心

石菖蒲 各二兩

右為細末煉蜜為丸如梧桐子大硃砂為衣每服五十九丸食後白湯下

朱雀丸 治怔忡驚悸等証

茯神 二兩

沉香 五錢

硃砂 五錢 另研為衣

右為細末蒸餅為丸如梧桐子大每服五十九丸  
人參湯下

八物定志丸 平補心氣安神鎮驚除膈間痰熱等証神効

遠志 去心

石菖蒲

麥門冬 去心

茯神 去皮

白茯苓 各一兩

白朮 五錢

人參 一兩半

牛黃 二錢 另研

右煉蜜為丸如梧桐子大硃砂為衣每服二十丸白湯送下

歸脾湯 治思慮過度勞傷心脾健忘怔忡

白朮

茯神

黃芪 蜜炙

龍眼肉

酸棗仁 炒各一錢

人參

木香 各五分

甘草 炙二分半

每服水二盞加生姜二片大棗一枚煎溫服

祖傳經驗秘方 治憂愁思慮傷心令人惕然心跳

動驚悸不安之証

川歸 酒洗 用身 生地黃 酒洗 遠志 去心

茯神 各五錢 九節菖蒲 黃連 各一錢半

牛黃 一錢 另研 辰砂 二錢 另研 金箔 十五片

右以前六味研細入牛黃與辰砂二味末子用

猪心血為丸如黍米大金箔為衣每服五十九

煎湯送下

### 三消

### 論

內經曰二陽結謂之消 瘵成爲消中東垣曰二

陽者陽明也手陽明大腸主津液若消則面黃口乾

乃津液不足也是陽明胃主血若熱則消穀善饑血

中伏火乃血不足也結者津液不足結而不潤皆燥

熱爲病也此因數食甘美而多肥故其氣上溢轉爲

消渴治之以蘭除陳氣也不可服膏梁芳草石藥其

氣慄悍能助燥熱也岐伯曰脉實病久可治脉弦小

病久不可治當分三消而治之高消者舌上赤裂大渴引飲經云心移熱于肺傳爲膈消者是也以白虎加人參湯治之中消者善食而瘦自汗大便硬小便數叔和云口乾飲水多食肌虛痺成爲消中者是也以調胃承氣湯三黃丸治之下消者煩渴引飲耳輪焦乾小便如膏叔和云焦煩水易虧此腎消也以六味地黃丸治之總錄所謂未傳能食者必發腦疽背癰不能食者必傳中滿一脹皆爲不治之証也張潔古分而治之能食而渴白虎加人參湯不能食而渴者錢氏白朮散倍加葛根治之上中旣平不復傳下消矣先哲用藥厥有旨哉然臟腑有遠近亦宜斟酌如心肺位近宜制小其服腎肝位遠宜制大其服皆適其至所爲故如過與不及皆誅罰無過之地也治斯疾者宜審焉

### 脉法

脉經曰厥陰之爲病消渴氣上衝心心中疼熱饑而不欲食食卽吐下之不肯止傷寒厥陰篇云食則吐衄下之利不止

寸口脉浮而遲浮則爲虛遲則爲虛勞則衛氣不足遲則榮氣竭

跌陽脉浮而數浮則爲氣數則消穀而緊要畧作消穀而大堅氣盛則澀數則緊要畧作堅緊數相搏則爲消渴男子消渴小便反多以飲一斗小便一斗腎氣丸主之

心脉滑爲渴滑者陽氣多心脉微小爲消痺消痺脉實大病久可治懸小堅急病久不可治

數大者生沉小者生實而堅大者死細而浮短者死

### 方法

丹溪曰養肺降火生血爲主分上中下治

上焦者肺也多飲水而少食大小便如常中消者胃也多飲食而小便赤黃

下消者腎也小便濁淋如膏之狀

大法黃連天花粉二味爲末藕汁人乳汁生地黃汁佐以蜜姜汁爲膏和二味畱舌上徐徐以白湯少許送下能食者加石膏

猪肚丸

黃連 五兩

麥門冬 去心

知母 去毛

括萎根 各四兩

右為細末入雄猪肚內縫之乘熱于石臼中搗爛如乾加煉蜜丸如梧桐子大每服一百丸食後米飲下可以清心止渴 一云治消中

天花粉治消渴之聖藥也 凡消渴藥中大禁半

夏及不可發汗

三消者瓊玉膏最妙 方見啖嗽門

補血益氣湯

治口乾舌乾小便數舌上赤脉此藥

生津液除乾燥生飢肉

柴胡

炙甘草

生甘草

麻黃根 各三分

當歸稍 酒洗四分

知母 酒洗

漢防已 酒洗

羌活 各五分

石膏 六分 另研

生地黄 酒洗

黃連 酒洗八分

黃栢 酒洗

升麻 各一錢

杏仁 去皮尖 研六分

紅花 少許

棗仁 去皮另 研六分

每服水二盞煎溫服忌酒醋濕熱麪



當歸潤燥湯 治小便多大便秘澁乾燥枯結燥湯  
喜好溫飲陰頭退縮舌燥口乾眼澁難開及子黑  
處見浮雲

細辛 一分  
生甘草  
炙甘草

熟地黃 各三分  
柴胡 去蘆七分  
黃柏 酒洗

知母 酒洗  
石膏  
煨仁泥

當歸身  
麻仁  
防風

荆芥穗 各一錢  
升麻 一錢五分  
紅花 少許

杏仁 七個另研如泥  
小椒 三粒炒出汗

每服水二盞煎食遠熱服忌辛熱物

生津甘露湯 一名清涼飲子 治消中能食而瘦口舌乾自汗

大便結燥小便頻數

升麻 四分  
防風 去蘆  
生甘草

漢防已 各三分  
生地黃 各三分  
當歸身 六分

柴胡  
羌活  
炙甘草

黃芪  
酒知母  
酒黃芩 各二錢

酒草龍膽  
石膏  
黃柏 各一錢半

紅花 少許  
煨仁 五分另研  
杏仁 十個

每服水二盞煎加蜜一匙稍熱服

辛潤緩肌湯

一名清神補氣湯

前消渴症纔愈止有口乾腹

不能努此藥主之

生地黃

細辛 各一分

熟地黃

石膏

四分

黃栢

酒洗

黃連

生甘草

知母

各五分

柴胡

去蘆

當歸身

荆芥穗

各一錢

升麻

一錢

桃仁泥

防風

各一錢

紅花

少許

杏仁

六個另研

小椒

十粒炒出汗

每服水二盞煎食遠稍熱服

生津甘露飲子

治消渴上下齒皆麻舌根強硬腫

痛食不能下時有腹脹或泄黃如糜名曰殮泄渾

身色黃目睛黃甚四肢痿弱前陰如水尻臀腰背

寒面生蠶色脇下急痛涕嚏喜怒不常健忘

藿香 二分

柴胡

黃連

木香 各三分

白葵花

麥門冬

去心

當歸身 酒洗

蘭香 各五分

華澄茄

生甘草

山梔子

白豆仁

白芷

連翹

姜黃

石膏

杏仁

酒黃栢

炙甘草

酒知母

升麻

人參

桔梗

全蝎

右為細末湯浸蒸餅和勻成劑捏

晒半乾擦碎如黍米顆大每服

白湯送下

黃芪飲

治三消

黃芪

炙甘草

六味地黃丸

方見虛損門

每服二錢水煎服

人參白朮湯

治胃膈痺熱煩滿饑不欲食瘧成爲

消中善食而瘦燥熱鬱甚而成消渴多飲水而小

便數蒸療一切陰虛陽實風熱燥鬱頭目昏眩中

風偏枯酒過積毒腸胃燥澁併傷寒雜病產後煩

渴氣液不得宣通

人參

白朮

當歸

芍藥

大黃

梔子

荆芥穗

薄荷

桔梗

知母

澤瀉

茯苓

連翹

括萎根

乾葛

茸草

藿香葉

青木香

官桂

石膏

寒水石

白滑石

石膏

寒水石

右為細末每服抄五錢水一盞入盆硝半兩生  
姜二片煎至半盞絞汁入蜜少許溫服漸加至  
十餘錢得藏府流利取効如常復以意加減如

腸胃膏結濕熱內甚自利者去大黃苾硝服

神雪散 治消渴飲水無度小便數者大有神効

黃芩

黃丹

漢防已

括萎實

白木

右為細末每服二錢溫漿水調下臨臥時併進

三服即止

人參散 治腎消善飲而食小便頻數白濁如膏

人參

白木

澤瀉

括萎根

桔梗

梔子

連翹 各二一分

葛根

黃芩

大黃 酒浸 暴燥

薄荷

白茯苓 各五分

甘草 七分

石膏 一錢

滑石

寒水石 各一錢半

縮砂 少許

右為末水一盞半煎至一盞入蜜少許再煎三兩沸腎消食前服上消食後服

大黃甘草飲子 治男婦一切消渴不能止者

大豆 五升先煮一二三沸出火去苦水再煮

大黃 一兩五錢

甘草 四兩長四指段 棗碎

右用井水一桶將前藥同煮三時如稠粘更添水煮豆軟為度盛于盆中放冷令病人食豆渴飲湯汁無時候食盡如燥渴止罷藥未止依前再煮食之不過三劑其病悉愈

麥門冬飲子 治心移熱于肺名曰膈消心膈有熱久則引飲為消渴

麥門冬 去心 一錢

括萎根

知母

甘草

五味子

生地黄

人參

葛根

茯神 各一錢半

每服加竹葉七片用水一盞煎溫服

丹溪活套云三消者多屬血虛不生津液俱宜四物湯爲主治上消者本方加人參五味子麥門冬天花粉煎入生藕汁生地黃汁人乳飲酒人加生葛汁中消者本方加知母石膏滑石寒水石以降胃火下消者本方加黃栢知母熟地黃五味子之類以滋腎水又間當飲繅絲湯爲上劑

經驗原蚕蠶湯 治腎消白濁及上中二消饑渴不生肌肉其効如神 蓋此物屬火有陰之用大能

瀉膀胱中相火引陰水上潮于口而不渴也

原蚕

卽再養晚蚕其繅絲湯極効如無卽以蠶殼絲綿煎湯皆可代